

Na osnovu člana 71. Zakona o visokom obrazovanju („Sl. glasnik USK“, br. 8/09), a u skladu sa *Odlukom Senata Univerziteta u Bihaću, broj: 06-4077/2014 od 10. 06. 2014. godine*, Univerzitet u Bihaću **objavljuje**

## **KONKURS / NATJEČAJ**

**za upis studenata u I godinu studija na fakultete/Visoka škola Univerziteta u Bihaću u akademskoj 2014/2015. godini u Prvi ciklus studija**

Konkurs/natječaj za upis u I godinu studija u akademskoj 2014/2015. godini, traje od **02. 07. 2014. do 12. 07. 2014. godine.**

Prijemni ispit, na fakultetima/VŠ-i Univerziteta u Bihaću na kojim se polaže, obaviti će se **15. 07. 2014.** godine prema rasporedu i satnici koju će utvrditi fakulteti/VŠ Univerziteta u Bihaću pojedinačno i oglasiti na svojim oglasnim pločama uz detaljne informacije o sadržaju i načinu polaganja prijemnog ispita.

### **OPĆE ODREDBE**

*U prvu godinu studija u akademskoj 2014/2015. kandidati se upisuju u skladu sa planom upisa studenata.*

Pravo učešća na KONKURSU/ NATJEČAJU imaju državljani BiH, strani državljani i lica bez državljanstva sa završenom odgovarajućom srednjom školom u četverogodišnjem trajanju u BiH, kao i kandidati koji su srednju školu završili izvan Bosne i Hercegovine, a za koje je nakon postupka ekvivalencije utvrđeno da imaju završeno adekvatno obrazovanje za nastavak školovanja.

Prijem i upis studenata u I godinu studija provodi posebna komisija koju imenuje nadležni organ fakulteta/VŠ-e Univerziteta u Bihaću.

Izbor kandidata vršit će se na osnovu **Odluke o kriterijima i mjerilima za utvrđivanje redoslijeda prijema kandidata za upis studenata u I godinu I (prvog) ciklusa studija** na Univerzitetu u Bihaću koja je sastavni dio ovog KONKURSA/NATJEČAJA, kao i pojedinačnih kriterija fakulteta/VŠ-e Univerziteta u Bihaću za vrijednovanje ocjena iz predmeta relevantnih za odgovarajući studij i vrijednovanje rezultata prijemnih ispita na fakultetima/VŠ-i Univerziteta u Bihaću na kojima je predviđeno polaganje prijemnih ispita.

Rang listu svih kandidata i spisak primljenih kandidata fakulteti/VŠ-a Univerziteta u Bihaću će objaviti na oglasnoj ploči nakon što je verifikuje nadležni organ i to za fakultete/VŠ-u Univerziteta u Bihaću na kojima je predviđeno polaganje prijemnog ispita najkasnije 3 dana od posljednjeg dana polaganja prijemnog ispita, a za ostale fakultete/VŠ-u Univerziteta u Bihaću najkasnije 3 dana od dana zatvaranja KONKURSA/NATJEČAJA.

Fakulteti/VŠ-a Univerziteta u Bihaću će na svojim oglasnim pločama dati potpune informacije o mjestu i vremenu predavanja dokumenata na KONKURSU/NATJEČAJU.

Za prijavu na KONKURS/NATJEČAJ za upis u I godinu I (prvog) ciklusa studija kandidat je dužan predati sljedeća dokumenta:

- 1) zahtjev za upis u kome je tačno naznačen fakultet/VŠ i odsjek na koji konkuriše,
- 2) originalne svjedodžbe o završenim razredima srednje škole završene u BiH u četverogodišnjem trajanju, odnosno odgovarajuća nostrificirana dokumenta za kandidate koji srednju školu nisu završili u BiH
- 3) originalnu diplomu o završenoj srednjoj školi
- 4) izvod iz matične knjige rođenih
- 5) druga dokumenta relevantna za utvrđivanje broja bodova po kriterijima.

Prijave podnesene poslije utvrđenog roka, kao i nepotpune prijave neće se uzimati u razmatranje.

Za sve fakultete/VŠ-u Univerziteta u Bihaću koje ne prime planirani broj kandidata u ovom upisnom roku bit će objavljen naknadni KONKURS/NATJEČAJ. Pravo učešća na konkursu/natječaju i polaganje prijemnog ispita u naknadnom roku imaju svi kandidati koji konkurišu/natječu prvi put za upis na fakultetu/VŠ-i Univerziteta u Bihaću, kao i kandidati koji su se na KONKURSU/NATJEČAJU prijavili u ranijem roku, a nisu položili prijemni ispit ili su zbog ograničenog broja kandidata odbijeni na nekom od fakulteta/VŠ-i Univerziteta u Bihaću.

# **O D L U K A**

## **o kriterijima i mjerilima za utvrđivanje redoslijeda prijema kandidata za upis u I godinu Prvog ciklusa studija na Univerzitetu u Bihaću**

### **Član 1.**

Ovom Odlukom se utvrđuju zajednički kriteriji i mjerila za bodovanje i upis kandidata u I godinu Prvog ciklusa studija na Univerzitetu u Bihaću.

### **Član 2.**

Rangiranje kandidata i prijem studenata u I godinu Prvog ciklusa studija vršit će se u zavisnosti od broja bodova koje kandidat osvoji:

**I.** na fakultetima/VŠ-i Univerziteta u Bihaću na kojima je predviđeno polaganje prijemnog ispita na osnovu :

- općeg uspjeha
- uspjeha iz pojedinih predmeta značajnih za odgovarajući studij
- rezultata postignutih na prijemnom ispitu
- rezultata ostvarenih na takmičenjima iz predmeta relevantnih za određeni studij, kao i rezultati ostvareni u vrhunskom sportu
- posebnog priznanja "Učenik generacije"

**II.** na fakultetima/VŠ-i Univerziteta u Bihaću na kojima nije predviđeno polaganje prijemnog ispita na osnovu:

- općeg uspjeha
- uspjeha iz pojedinih predmeta značajnih za odgovarajući studij
- rezultata ostvarenih na takmičenjima iz predmeta relevantnih za određeni studij, kao i rezultati ostvareni u vrhunskom sportu
- posebnog priznanja "Učenik generacije"

### **Član 3.**

Broj bodova na osnovu općeg uspjeha iznosi maksimalno 35, a utvrđuje se tako da se prosječna ocjena iz svih predmeta u svim razredima, zaokružena na jednu decimalu pomnoži sa 7.

### **Član 4.**

Broj bodova po osnovu uspjeha iz pojedinih predmeta značajnih za odgovarajući studij iznosi maksimalno 15. Spisak predmeta značajnih za odgovarajući studij po odsjecima i način bodovanja po ovom osnovu fakulteti/VŠ-a Univerziteta u Bihaću će istaći na svojim oglasnim pločama.

### **Član 5.**

Vrijednovanje rezultata po osnovu uspjeha postignutog na prijemnom ispitu kao i spisak predmeta značajnih za odgovarajući studij, iz kojih se polaže prijemni ispit po odsjecima i način bodovanja, po ovom osnovu fakulteti/VŠ-a Univerziteta u Bihaću će istaći na svojim oglasnim pločama, pri čemu maksimalni broj bodova koje kandidat može postići po ovom osnovu iznosi 30 bodova.

### **Član 6.**

Broj bodova po osnovu rezultata ostvarenih na takmičenjima iz predmeta relevantnih za određeni studij, kao i rezultata ostvarenih u vrhunskom sportu iznosi maksimalno 6.

- Po osnovu ovih kriterija kandidat dobija slijedeći broj bodova: za osvojeno jedno od prva tri mjesta na međunarodnim, državnim i kantonalnim takmičenjima u poznavanju naučnih ( stručnih ) disciplina od značaja za studij, 3 boda
- Za izuzetne rezultate ostvarene u vrhunskom sportu 3 boda.

Spisak predmeta, odnosno naučnih ( stručnih ) disciplina koje se boduju po ovom osnovu fakulteti/VŠ-a Univerziteta u Bihaću će istaći na svojim oglasnim pločama.

### **Član 7.**

Kandidat koji je nosilac posebnog priznanja "Učenik generacije" po ovom osnovu dobija 10 bodova.

### **Član 8.**

Minimum bodova koje kandidat mora ostvariti na prijemnom ispitu odredit će fakultet/VŠ-a Univerziteta u Bihaću.

### **Član 9.**

Postupak provođenja ove Odluke vrši komisija koju imenuje fakultet/VŠ-a Univerziteta u Bihaću.

Na fakultetima/VŠ-i Univerziteta u Bihaću, na kojima se polaže prijemni ispit, komisija je dužna obezbijediti tajnost ispitnog materijala i druge relevantne dokumentacije.

Nakon zbrajanja bodova, za svakog kandidata pojedinačno, po svim osnovama iz ove Odluke, komisija sačinjava rang-listu svih kandidata i spisak primljenih kandidata i oglašava je na oglasnoj ploči nakon što je usvoji Nastavno-naučno vijeće fakulteta/VŠ-i Univerziteta u Bihaću, a u roku utvrđenom u Konkursu/Natječaju.

Na objavljenu rang-listu kandidati mogu uložiti pismeni prigovor Nastavno-naučnom vijeću fakulteta/VŠ-i Univerziteta u Bihaću u roku od 24 sata po objavljivanju liste.

Nastavno-naučno vijeće fakulteta/VŠ-e Univerziteta u Bihaću je dužno da u roku od 24 sata odluči o prigovoru i o tome obavijesti kandidata.

Odluka Nastavno-naučnog vijeća je konačna.

### **Član 10.**

Fakulteti/VŠ-a Univerziteta u Bihaću koji u prvom konkursnom/natječajnom roku ne prime planirani broj kandidata provešće drugi konkursni rok početkom septembra tekuće godine.

### **Član 11.**

Kandidati koji u skladu sa ovim Konkursom/Natječajem budu primljeni na fakultet/VŠ-u Univerziteta u Bihaću, za upis u I godinu I (prvog) ciklusa studija, pored predatih dokumenata podnose:

- upisni, semestarski list i ŠV obrazac
- upisnicu ( INDEX )
- ljekarsko uvjerenje
- dokaz o regulisanju obaveza troškova studiranja prema Odluci o visini troškova školarine i drugih usluga za studente I (prvog) ciklusa studija koju je donio Upravni odbor Univerziteta u Bihaću, broj: 01-5748/2011 od 05. 12. 2011. godine.

Pod jednakim uvjetima iz Kriterija, prednost imaju:

- djeca boraca-branitelja BiH,
- djeca ratnih vojnih invalida, djeca šehida i poginulih i nestalih boraca – branitelja i umrlih ratnih vojnih invalida,
- djeca organizatora otpora,
- djeca veterana – prvoboraca,
- djeca ratnih vojnih zarobljenika i
- djeca nosilaca najviših ratnih priznanja

(Sve u skladu sa važećim zakonskim propisima kojima se reguliše ova oblast).

Upis primljenih kandidata će se obaviti u septembru/rujnu tekuće godine, a detaljne informacije o mjestu i vremenu predaje dokumenata za upis, kao i druge bitne informacije, biće objavljene na oglasnim pločama fakulteta/VŠ-e Univerziteta u Bihaću.

Ovaj KONKURS/NATJEČAJ kao i konačni rezultati prijema objavit će se i na WEB stranici Univerziteta u Bihaću.

Visokoškolska ustanova	Odsjek	Smjer	Broj studenata			
			Redovni	Redovni samofinan sirajući	Vanredni	Ukupno
<b>PEDAGOŠKI FAKULTET</b>	Bosanski jezik i književnost	Bosanski jezik s književnošću i historija	30	-	10	40
	Matematika Fizika	Matematika-informatika	15	-	10	25
		Matematika-fizika	15	-	10	25
		Fizika-informatika	15	-	10	25
	Razredna nastava		30	-	10	40
	Engleski jezik i književnost	Engleski jezik i književnost	30		10	40
		Engleski jezik i pedagogija	30	-	10	40
	Njemački jezik i književnost	Njemački jezik i književnost	30		10	40
		Njemački jezik i pedagogija	30	-	10	40
	Tjelesni odgoj i sport		30	-	10	40
	Predškolski odgoj		30	-	10	40
	<b>UKUPNO</b>	<b>285</b>	<b>-</b>	<b>110</b>	<b>395</b>	
<b>TEHNIČKI FAKULTET</b>	Mašinski odsjek	Proizvodno konstrukcioni	35	10	10	55
	Tekstilni	Modni dizajn i konfekcija	35	10	10	55
	Drvnoindustrijski	Tehnologija	35	10	10	55
	Građevinski	Opšti	50	20	10	80
	Elektrotehnički	Informatika	50	20	10	80
		<b>UKUPNO</b>	<b>205</b>	<b>70</b>	<b>50</b>	<b>325</b>
<b>BIOTEHNIČKI FAKULTET</b>	Poljoprivredni	Organska poljoprivreda	40	10	-	50
		Opšti	40	10	-	50
	Šumarski	Šumarstvo	40	10		50
	Prehrambeni	Prehrambena tehnologija	40	10	-	50
	Zaštita okoliša	Zaštita okoliša	40	10		50
		<b>UKUPNO</b>	<b>200</b>	<b>50</b>	<b>-</b>	<b>250</b>
<b>PRAVNI FAKULTET</b>			60	40	20	120
		<b>UKUPNO</b>	<b>60</b>	<b>40</b>	<b>20</b>	<b>120</b>
<b>EKONOMSKI FAKULTET</b>	Poslovna ekonomija 4+1		40	40	10	90
	Studij 3+0		30	30	10	70
		<b>UKUPNO</b>	<b>70</b>	<b>70</b>	<b>20</b>	<b>160</b>
<b>VISOKA ZDRAVSTVENA ŠKOLA</b>	Sestrinstvo		30	20	50	100
	Sanitarno inženjerstvo		30	20	30	80
		<b>UKUPNO</b>	<b>60</b>	<b>40</b>	<b>80</b>	<b>180</b>
<b>ISLAMSKI PED. FAKULTET</b>	Islamska vjeronauka		25	-	20	45
	Socijalna pedagogija i duhovna skrb		30	10	10	50
		<b>UKUPNO</b>	<b>55</b>	<b>-</b>	<b>40</b>	<b>95</b>
<b>UKUPNO NA UNIVERZITETU</b>			<b>935</b>	<b>280</b>	<b>330</b>	<b>1525</b>